

إلهام شحاته سالم

أنا مجروحة

أشعار بالعامية المصرية

الطبعة الأولى نوفمبر 201

بطاقة الكتاب

عنوان المؤلف	:	أنا مجروحة
إسم المؤلف	:	إلهام شحاتة سالم
التصنيف	:	أشعار بالعامية المصرية
رقم الإيداع	:	20663 - 2018
عدد الصفحات	:	98 صفحة
رقم الإصدار الداخلي	:	300 طبعة أولى نوفمبر 2018
تصميم الغلاف والتنسيق	:	دار النيل والفرات
الكتاب رقم 300 الحائز على جائزة الطبع المجاني في المسابقة	:	الفصلية لدار النيل والفرات للنشر والتوزيع نوفمبر 2018
جميع حقوق الطبع والنشر محفوظة للمؤلف، ولا يحق لأي	:	دار نشر طبع ونشر الكتاب إلا بموافقة كتابية من المؤلف

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

alnilwaalfourat@gmail.com alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304

ج.م.ع. محافظة المنيا - أبو قرقاص - شرق التربة - خلف محطة السكة الحديد - هاتف 086214428

ج.م.ع. محافظة القليوبية - مركز طوخ - إيمى - هاتف 0132424735

(الفروع)

إهداء

إلى ابنتي آية

الحلم الجميل

الحاضر / المستقبل

إلى حسن وندى

حفيديّ

زهرتين جميلتين تفتحتا في حديقة مملكتي

إلهام شحاتة سالم

صفعة بالعامية المصرية علي وجه الوضع الراهن

رؤية نقدية بقلم
ناجى عبد المنعم

انتابتنى رجفة انتماء ، وتمرد في أن !! عندما شرعت
في قراءة ديوان (جرح الهوي) للشاعرة إلهام شحاتة ،
ووجدتني أضع له توصيفاً جديداً هو (صفعة بالعامية
المصرية علي وجه الوضع الراهن) ، فقد تجلي تمرد
الشاعرة المكتسي برداء الإنتماء، وهي تتعرض لقضايا
الوطن المتناثرة بالعرض والتشريح والتأسيس والتقنين
لحيثيات كثيرة تفرض معطيات أكاديمية لجذليات قتلت بحثاً ،
محاولة منها لرصد الواقع المرير فتستهل ديوانها وعرض
إشكالياتها فتقول في قصيدة (أرض الفيروز)
الشنطة متعبية بأكوام الحجارة
والزلط والزمزميه فيها لنصها
مخلوط من النيل والفرات
وكتاب لدرويش والوطن

وف طرف رجله الخنجر المسموم
وقلبه كما العواصف في المدي..
هجم الولد علي أول البحر الغريق
فاتزلزلت أمواجه جوه الدومات

وتضع تصورا جديداً لشنطة التلميذ التي عباها
بالحجارة والزلط بدلاً من الكتب ، والاقلام ، فتحيل قضايا
الوطن إلى الحرب ضد العدو وما الذي يجب أن يفعله أبناء
الوطن ، ضاربة بقضايا الإصلاح ، والتعليم ، والتعمير ،
عرض الحائط فالحرية وتحرير الأراضي المحتلة في
أولويات أهدافها

والغريب أن تمزج الشاعرة بين النيل والفرات في
زمزمية واحدة من التلميذ ، لتوحي إلي تكتل الأرض العربية
- مطمع اليهود - من النيل إلي الفرات وحلمهم في إقامة
أرض المعاد ودولة إسرائيل إلى جبهة رفض ضد الخضوع
والسيطرة الصهيونية علي لسان الولد فتقرر.

زعم الولد لازم نحرر أرضنا
مش بالسلام ولا بالتفاوض والكلام
ولا بالبياض إلي انتشر
حوالين بياض عينا-

من سخافات جورج بوش !!

إن التحرير لن يكون بالسلام ، ولكن بالحرب وتحقيقا
لنظرية (ماأخذ بالقوة لايسترد إلي بالقوة) ولكنها تسقط
في حوارات العرب التي تنتهي دائما بالمهاترات والإتفاق ،

ولكنها وفي نهاية رحلتها، وقبل أن تصفع الوضع الراهن
علي وجهه بأشعارها العامة تعلن اليأس والقنوط من
الوحدة العربية تقريراً وتأصيلاً لطبع كان ولا زال وسيظل
سبباً في احتلال الأراضي العربية وتهميش الدور العربي في
المحافل الدراسية فتقول في قصيدة (نزف القلم)
أنا مين وليه؟!

عايش سنين
العمر تايه جوه دوامة القلق
الدمع سال
والدم أصبح شئ جديد
والعين بتبكي دموع ودم
موالي تاه
في الزحمة وانهار الأمل
حتى المدينة الفاضله
كانت خيال
وصحيت لقتني غصب عني -
واقع في الغرق !!

والديوان قي مُجمله ينتمي لقصيدة الرفض المتألق ،
مجافيا السباب والشتائم ، إلا أنه يلطم الوضع الراهن
ويصفعه علي وجهه لتكمل الشاعرة إلهام شحاتة ماقد بدأته
في مستهل مشروعها الإبداعي
وتقدم للمكتبة العربية ديوانها الجيد والجديد (أنا
مجروحة) والذي اعتبره نقله في حياتها الإبداعية

منحنيات البراءة

الفجر بان والحزن واقف ديدبان

دق البيبان ... سمع النداء ... غنوة أمل

بدد غيوم الكون وقوم

إفرد خطاويك في المدى

في المبتدي ... دق الجرس

لبداية الدرس الجديد

مكتوب علي جبين الولد بعيون كلام

يحكي مواويل الغرام

كل العيون بتبص لك

تبني حواجز تفصلك

أنا بسألك !!

وبرغم كونك ... وف سكون

كنت انت ترنيمة حنين... ويا السنين

أو كنت مرسوم ع الجبين

مستغربين ليه؟!!

البراءة معتمه

حلم

الوشم منقوش علي صدر الأيام
وادي ناعسه القادره علي الحرمان
وهلالي راكب ع المهرالجامح عدي النهر
بالعشق الهائم جوه الروح
وماهوش مسموح
للولد الشارب مُر الايام
والوترالممدود بين قلبي -
وقلب الحزن في مصر
راح اكون لك نسمة تروق خدك
وقت عصاري الحريه
اكتب اسمك ع الشيطان
راح أكون الفرحة السارحة ف قلب الحلم

عصفور ضعيف

قول يا قلم
و افرش دموع
الحبر من فوق السطور
واحكى الحكايه من جديد
خللى النجوم
والخلق تسمع
قصتى
عصفور ضعيف
الدنيا ليه متبسمة
وانا قلبى خايف
م الحقيقه المؤلمه
اخلع همومى

عن الكتاف
واضحك وانا -
ف عز الخريف
ولا حد سامع -
ضحكتي
عصفور فؤادى يطير
ويطلع فى السما
يرقص ما بين
كل النجوم
ويحلل النور بالوفا
أنا كنت مشتاق للدفا
لا الليل يذفينى ولا -
طلعة نهار متشققة
وانا لسه طاير فى السما
عصفور صغير

مالى كل الدنيا دى
بالزقزقه
وايش يعمل الريش الضعيف
فى وسط ريح
جوه الخريف
اكتب واحكى قصتى
بس اقتناعى -
بالمعادلة الصعبه
قرر ينتفض
ويدق فى
قلبه السكوت
ويموت
يموت

رقصة الوروار

ماتيجى نبص -

ع الدنيا

ماتيجى نشوفها-

حاجه ثانيه

نشوفها من كذا ناحيه

بشرط أكون

انا الألفه

واقول الكلمه

مختلفه

ف لازم اكون

صاحب حرفه

بدون مزيك

أوزفه
وبنوته بتتشافى
ما بين الحزن
والله
وتتلفف
فى ميت لفه
وشوقها يطيب الكفه
ف لازم اكون -
أنا الألفه
أغني لكم ترانيمى
وأعزف شوق
بألحانى
م انا فى المبتدى
عاشقه
عشان ابقى

رسول الحب
واحكي لكم
من الأول
حكاية العشق
والمعشوق
وشوقى يفيض
بأحانه
يكون الحب شوق -
على شوق
أغنى بالكــورال موال
وباكتب أحلى
من الأزجال
كلام يعلى
كده ويتقال
يهدد شوق

رياحيني
وينسف بالهوى
فى جبال
م انا الألفه
وشعرى
يحرك الزلزال
أضيف واكتب
ولو حالى صبح -
مش حال
هاغنى بشوقى
من تانى
واعيد موال
ورا موال
حكايه
وقلتها بحبى

على المزمار

تدغدغ شوقي

بالأشعار

انا قصة

هوى

ومعشوق

ومهما

الضلمه

تخنقنى

هاطير

وارقص

كما

.....

.....

الـوروار

الحكاية

الحكاية مش حكاية قلب باع

الحكاية من البدايه -

تبقى فصل من الخداع

لما آه الهجر تسكن

جوه قلبى

يبقى ذنبى إن قلبى

حب قلبك

ليه عيونك ماشيه تجرح

ف اللى حبك يوم وصانك

هو نفس القلب هوه -

والعيون النرجسيه

اللى ياما وصفت فيها

أحلى قصه عاطفيه
مش هافكر تانى فيك
أنت بتبيع .. واشترىك
ليه افكر ف اللى خان حب قلبى -
وكان مدان

جى تسأل تانى عنى
تشتري منى الحنان
بعدى عنك فيه شفايا
من حنين هجر وخصام
لو ندمت فى يوم عليك

نسایم حب

أنا شایف الدنيا بعینکى

نسایم حب

خلینى دایما بین إیدیکى

یدق القلب اشتاق قوى لیكى

ولما بتغیبى وقلبى یطب

وانسى الدنيا وأدور علیكى

یا أجمل حب

وكل مره بتسألینى

أنا بحبك أد إیه

باحبك أد نور عینى

طب بتسألئ لیه ؟!

وبالسؤال ده بتظلمینى

عارفة يا حبيبتي ليه
علشان بحبك أد الدنيا كلها
أكثر من عينيه وضيها
أد سماها وأرضها
بتسألنى وأنا كلى ملكها
نفسى أعيش واموت فى حضنها
وبين إيديها
أنا والله باحب بجد
وهواها فى قلبى فاق الحد
قلبي فى محرابها عايش عبد
إوعى تعاندى انا مش أد العند
ولا عمرى هاكونأ البعد
طب ابعدي ليه ؟!
وعشان إيه ؟!
ماهى هيه الدنيا وكل الفرح

أنا حبي مات

قررت أنسى عشتك
وسنين هواك
واهجر ثنايا محبتك
وحنين لقاك
أنا كنت ورده مفتحه
وعبيرها فاح
فى المدى
دبلى بايدك وابتدى
يغتل برانتها .. الردى
أنا كنت شمعته منوره
بتقيد تنور ..
دنيته

طفيت عيونها ..
بغفوتك
وقتلتنى برجع الصدى
أنا كنت لك ، ،
كل الفكرُ
وكتاب كبير
لكن للأسف الشديد
ماعرفت تقرا كلمتى
قلبك ذهب
لا .. لا .. للأ
قلبك صفيح
ولا كنت يوم فى هواك صريح
بتبيع فى قلبى واشتريك
خلتنى - لحظه صمت -
واقول ياخسارة الحب الجميل

منك .. وفيك لأ !!
جرحتنى .. وشكيت غرامى للسما
وف لحظة الندم الأكيد
طب كنت فين ؟
ودموعى بتّجرح خدود المجروحين
والقلب نازف م الحنين
لا توبه تنفع للظروف
ولا حتى خوف القلب نابع م الكسوف
مجروح أنا
إحساسى بىك أصبح خلاص
مضروب فى قلبى بالرصاص
أنا حبى مات
وحينى للعشق الجميل -
أصبح رفات

أنا عاشقه

أنا عاشقه

كما العاشقين

ونار العشق كاويانى

وباصعب حتى على روجى

من الحيره اللى مالكانى

وعشقتك ده

محيرنى

وبكانى

لقيت الآه ملازمانى

صرخت (وقلت)

آه يانى خلاص مافاتونى احبابى

خلاص هابعد عشان أنسى

عذاب الهجر والحرمان

لقتنى نايهه فى الفرقه
وقلبى شوق
بلاشطان
ونار الهجر تكوينى
تزيد جرحى
ودمى يفيض
كما الطوفان
أتوه وارجع
لقلب السكه من تانى
يضيع عمرى
يضيع الضى من فجرى
واتوه فى الآهه والترحال
وموال على لسانى
ألاقى الدنيا ناسيانى
يتوه فى دربى عنوانى

بلاش الجرح من تانى
ولا نعيشه كذب ف الاوهام
وتمنحنى سراب حبك
ويجرحنى
وانا عاشقك
عشقتك وتهت فى عيونك
نسيت إسمى وعنوانى
بتغدر ليه ؟!
وانا صاينك
أكيد علشان
أنا
عاشقه

حفيدى

مهداه لأول حفيد لي عبد الرحمن احمد ابن بنتى --

نوس عين تيته وعين أمه
كان بدر منور فى جماله
الله على نوره وهندامه
ماتقولش أمير كده فى اللفه
دا عريس الحفله بسلامته
سلطان فى اللفه وفى الزفه
إمتى يغنىلى ويشجبنى
ويقول لى يا تيته وحشتينى
نورت الدنيا يا عين تيته
ودا أصغر واحد فى العيله

هانغنى ونعمل هليله
ونقول ياعزول إبعد عنا
ويا فرح استنى وتعالى لنا
فى الخفه ياناس طالع لامه
لا تقول لى أبوه ولا كان عمه
ياما نفسى أبوسك واضمك
واكون فى وريدك من دمك
وتكون من دمی فى وریدى
واصرخ فى الدنيا بأكملها
واقول دا حبيبى وحفيدى

وحشانی یامہ

وحشانی یامہ
وحشنى منك كل حزن -
وكل ضمه
حنان مشاعرك جوه قلبى -
مستقر
مالقيت حنان قلبك فى حد
فى الصوره تاهت نظرتى
والعين تكلم دمعتى
طب مين واسانى -
ف محنتى
أو مين ها يمسح دمعتى
صوتك معايا ف وحدتى

وف كل ليله
تطبطبى على خدى -
وتقولى الحكايات والأمل
تحكىلى حدوته المسا
وتجبنى فى الحلم الجميل
ألمس حنانك وابتسم
حبك فى قلبى شئ أكيد
إدينى حضنك من جديد
خلينى أعيش لحن الخلود
مع كل ضمه
وكل لمسه
وكل عيد
وحشائى يامه

ما فيش حياه من غير أمل

شد الخيوط من فوق -

جبين الشمس -

وارميها للقمر

اكتب وخطط يا قلم

وافرش شعاع الشمس

فوق كل الصور...

وماتتجاهلش حبيبتي

دى زى القمر

وافرد على جبينها الضياء

واعلن على الدنيا الفرح

وافرش بساطك من جديد

دا الخير طرح

غصن الزيتون ضلل على البنت .. الأمل
واحكى الحكايه من جديد
راح يجى يوم ويكون سعيد
وافرد شعاع من نين عين الشمس
فوق خد الحبيب المخلصه
إمحي الحكاوى الميته
واحى الأمل تانى من جديد
كل الساعات
كل اللى فات
أصبح رفات !!
ومفیش حياه من غير امل
إبنى لى دار
جوه العيون الصافيه
فى قلب الوطن
وافرش خطاوى سكتك

مد الإيدى وارفع لى
صوتك بالغنا
تلقى الصعاب صارت حقيقى ممكنه
وافرش ورودى فى كل كل الأمكنه
مد الخطاوى يا .. ولد
ترجع بهيه من جديد
وافتح طريق الأمنيات
واعلن بداية المستحيل
جوه الشوارع والحارات
كحل عيونى بالأمل -
مصر البهيه المستحيله
بتناديك
عاشق
أنا عاشق متيم يا حبيبتى
بالوله مدى الشروق

وابنى لى بيت يكسر رتابة المثل
قوم يا ولد لف البلاد
عدى البحور
وابنى الجسور
عدى الجبال
دوس ع التلال
انا مهرى من دم الشهيد
كحل عيونى بالبطولة
والأمل هاتكون
أكيد فجرى الجديد
خارج من الدم السواد
فارس لنا
وكل العباد مستنياك
إوعاك تتوه فى السكة
ويضيع الأمل

أم الشهيد

آدى الولاد اللى ابتدوا
يشتالوا إسمك يابلادى
اللى حموا ليكى ديارك
هم دول ولادك يابلادى
تفخرى بيهم
وتقولى دول ولادى
اللى كتبوا تاريخك بالدم
واستشهدوا فى ترابك الغالى النفيس
هما اللى رادوا ليكى اعتبارك
ضد كل عدو خاين أو خسيس
والنصر كان اجمل هديه للولاد
تسلم ياوطن من كل الأعداى

اللى عاوزين يمحوا اسمك
ويتحطم الأخضر واليابس
اللى روى ارضك بدماهم
اللى رب الكون حماهم
هما دول ولادك يابلادى
حتى رمل سينا يشهد لهم
كانت الأرض أبوهم وامهم
اللى رملك خضر بدمهم
راح أخويه وابن عمى
وصاحبى وابن عمهم
هما اللى رفعوا رايتك
هما اللى دفعوا مهرك
والتمن كان دمهم
مش مهم المهم انت ياغاليه
فوق رؤوس كل طاغى

اللى حالف ياخذ تارك
من كل الأعادى
اللى رجعوا رايتك
ترفرق فوق كل وادى
وربنا فيهم ييارك
يومها قالوا بعلو الصوت
ياالله حى على الفلاح
ونرجع مجدك من تانى
وليلنا يطلع له صباح
راح نشيل تانى السلاح
ونقول حى على الفلاح
حتى لو طلبوا السماح
مش هانقبل السماح
هم دول ولادك يابلادى
اللى يفكر يوم فى غدرك

راح فيكى يموت ذليل
تتقطع الإيد اللى تمسك
بأى سوء
ليكى عليه الف دين
ولازم اوفى بيه
ربنا يحمى الولاد
من بطش كل طاغى لعين
لازم اخذ تارك انت
من الخونه المجرمين
وتار شهيدك
اللى أمه دمعها سال من سنين
امى وام كل شهيد
لازم ارجع ليها الفرح
واسيل من قلبها الجرح
دا انت ام الدنيا

لو هاروح اى بلاد تانيه
وانا بعيد عنك باحس الموت
انت البيت اللى بيجمعنا
بيكى اصبح لينا معنى مصر
إنتى أجمل بلاد العالم
ليكى منى ميت تحيه
ليكى و لشعبك وجيشك
ياللى ايدك فى حضن ايدينا
ندوس على النار
لجل ماتمحي اى عار
مين هايقدر يوم علينا
دا احنا منك وانت لينا
لو تندهى فى يوم علينا
بسرعه ها نلبي النداء
ما احنا كبرنا والله فيكى

وكلنا من خير اراضيكي
وباذن الله رافعين رايتك
وتتور ليالينا ببدرك
وبامر الله هانجيب النصر
ليكي يكون هديه يامصر
ياما سهرة على ضفاف نيلك
أحكي حكاوى واغنيلك
ياست الكل يابلادى
بالأمر يا حبيبتي تنادى
ألبى اوام النداء ليكي
وادی جيشك ع الحدود
حالف بربر الوجود
ليحمى ارضك وعرضك
الى واقف ع الكنال
هما دول اصل الرجال

هما دول اللى رفعوا رايتك
اللى راح ياخده تارك
اللى حلفوا ميت يمين
مش راجعين غير بانتصارك

طار فى العلالى

ليك والله الجنة ياقلبي
ع العذاب اللي انت فيه
كل ده كان فين مخبي
كنت فاكره إنه حبيب
لما شغلني وشغل بالي
خدني وطار للعلالي
قلت راح جرح الليالي
رحت بسرعه جريت عليه
وقلبي ف ثانيه حن ليه
بس حبي مانفesh فيه

حبه كان مجرد أوهام
وأنا اللي ف حضنه هاقدر أنام
له إستلوب ف الخداع
جه ف ثانيه أوام وباع
وسابك ياقلبي للضياع
قلت له روح الله يسامحك
ومسيرتي ف يوم هداوي جرحك
بس أكيد هاردهولك
لعبت الدور بمهاره
كنت في شاطر شطاره
بس يامليون خساره
حبي كان خساره فيك
بعثني وأنا اللي كنت -
دايما باشتريك
بس عمري يوم ماهندم عليك

لسه فاكر

ياترى يا حبيبي فاكر
ولا ماصدقت تنسى
اللى بينا دا كله
مستحيل تنساه وتأسى
لما كات عينك ف عيني
ونبض قلبك بيناديني
والإدين بتدوب بلمسه
بعد كل ده تقول هاتنسى
ياترى يا حبيبي فاكر
ولا ماصدقت تنسى
إنت فاكر لما كان
بينا زمان

حب وحنان
كنت بتقولى ياروحى
معاكى باشعر بالأمان
كنت بتغير م الهوا
لو عدى بينا
ياترى يا حبيبي فاكر
ولا ماصدقت تنسى
كنت بتقول اخطفك
ونعيش فى جنه
أرضها ياسمين وحنه
ما فيهاش حد غيرنا
كنا بندوب بلمسه
مش دا كله كان كلامك !!؟
كنت بتقوله فى غرامك
راح خلاص وقدرت تنسى !!؟

ياترى يا حبيبى فاكر
ولا ماصدقت تنسى
كنت بتبص ف عينيه
بالحنان تمسك إيديه
تقولى حبك ده جنون
حتى غيرتك كات شقيه
لو فى يوم هفهم عليه
إيشاربى والطرحه الشيفون
تقول ياروحى
لمسوا شعرك
ولا شفافيك
فوق خدودك والجفون
غيرتك كات من اى نسمة
ياترى يا حبيبى فاكر!!
وللا برده قدرت تنسى

مش كنا اتعاهدنا يا حبيبى
ان مافى حد منا ف يوم يخون
عشره مش ممكن تهون
إلا على إنسان ماحبش
حب كان فاق الجنون
يا حبيبى فين عهدنا
اللى كانت من قلوبنا
من شبابنا
ليه كده ترضى بعذبنا
ولا عذابى مش عذابك
اصلك إنت قدرت تنسى
أما أنا ربنا يكون فى عونى
ويساعدنى أقدر أنسى
ياترى يا حبيبى فاكر
ولا مصدقت تنسى !!؟

اتخذت

اتخذت فيه بجد
وخداعه فاق كل حد
كنت عبيطه لما صدقته
ياريتنى من زمان بعته
وادينى بادفع التمن
تمن القلب اللى يوم إنتمن
كان وعدنى بالأمان
بس ف اللحظة بيه خان

انا اللى استاهل
آمنت بالساهل

واحد ما عندوش ضمير

دا طلع كذاب كبير

مثل عليه دور الضحية

فاكر إنه هایلعب بيه

بس خلاص الوقت فات

مش هابص لماضى مات

إنت ليك الجنة ياقلبي

ع العذاب اللي كنت فيه

كان بيع وانا باشتريه

لكن كان خساره فيه

بس برده هاخذ تارى

واسقيهوله من مرارى

کل ده وانا کنت تايهه
کله غدر وکان مدارى

حبى مش لعبه

لو كنت فاكرحبى

لعبه ما بين اديك

راح اقولك اهدى

حرام عليك

ضحكك عليا

وغدرك بيه

دا انا كنت نعمه ما بين إيديك

لكن خساره ما طمرش فيك

من بعد غدرك

ومرار جرحك

طلع حبى خساره فيك

ضحكت عليه بكلمه امان
لكن بسرعه لقلبي خان
سقيتني مر
مر الزمان
زرعت ورد طرح حرمان
مش كنت زمان بتقول حبيبتى
وقدرى ونصيبى
راح دا كله
وف لحظه باع
انا اللى اشتريتك بالغالى
تركت ليه قلبى فى ضياع
وكنت باحلم تمسح دموعى
لكن غدرت وكسرت قلبى
ودست عليه لحظه خضوعى
هاقول ايه الله يسامحك

على كل جرح جرحته ليا
وجبت فيه اللوم عليه
مخدوعه فيك
إحساسى بيك أصبح سراب
دا أنا كنت عامله حبك محراب
لكن طلعت زى الغراب
غاوى الخراب
لو كنت فاكرك حبي
لعبه ما بين ايديك
راح اقولك اهدى
حرام عليك

مصر

مصر النيل والهرم العالى
قبر لكل غشيم متعالى
مص الدم المصرى الغالى
بسم الدين علقوا فى مشانق
للرجاله المصريين
بس ف لحظه انقض عليهم
نسر الجيش المصرى وطاح
بالإيدين والحب محاهم

مستحيل

مستحيل
قلبي اللي عاشق
حلم يجرى
فى الوريد
ينسى أول صوت -
ندا له
أو يحاول
من جديد
مش عشان غيرك ندا له
قلبي ينسى يوم لقاك
كل دقه قلب كانت
جوه قلبي بتناديك

كل ضمه كات
بدايه لعمرنا .. العمر الجديد
عمرى كله كان عشائك
والنهارده
لو بايدى أهديك
على العمر الأكيد
ألف عمر
وعمر ليك
شوقى من قلب الفؤاد
وجهته ليك
عمرى من زمن البعاد
كملتة بيك
دمى مخلوط من دماك
جوه الوريد
مستحيل القلب ينسى

صوتك الحلو الجميل
أنا لما كان يندهنى أجرى
فوق سنين المستحيل
كنت اشوف البسمه
فى عيونك
واحضن الدم ف الوريد
والقى لحظه صد منك
م الوجود ..
المستحيل

ارفض تموت

اخرج من الدّوامه

وانطلق

قول ياقلبي .. وانطلق

ابنى الجسور

بين السطور

ارسم بحور

ارسم شطوط

ارسم (يوتوبيا) -

الحلم فى الزمن الجميل

واكتب بنبضك سيمفونيه -

واعزف اللحن المميز للهديل

لو يكون فى الخطوه موت

خطط ونقط ع الحروف
والعب معاها
لعبة البنت الجميله
وحلمها
جوه الدواير والأمل
فكر وطير
واحكى الحكايه وابتدى
دافع وعافر
فى انحناءات المدى
واطلق من البرج الحمام
فالنبض ترياق العليل
احرق خيوط العنكبوت
ارفض تموت
(لو علقوك فى المشنقه -
او عاك تموت)

اكسر حدود كل السكوت
وانطق وقول واياك تتوه
جوه الملامه والملل
غنى بشوفك
غنوة الناس الغلابه
وارسم على كل الوشوش
شوقك لتجميل الأمل
وانطق وقول الكلمتين
الحب نبضك للحياه
لو حتى كان
وسط
الوحوش

أنا عيدك وتهيدك

أنا مش هابكى أيامى

ولوراحت فدا عمرك

ومش قادر

أبوح وابكى

واحط الصورة قدامى

اتوه فيها

أحس ملامحك

المنحوتة جوايا

أحس ملامحك

المخفيه فى صدرى

ويوم ورا يوم

بتكبر فيا أحلامى
أشوقها حقيقه قدامى
واحط دماغى فوق كتفك
وأسند خدى على إيدك
ما أنا عيدك
وتتهيدك
عرفتك من زمان قصه
ومهدك من تاريخ حبي
وطفل رضيع بيتهجى
حروف إسمك
فى عز الحب والألفه
بيجرى
وانا ماملکش غيرألمى
وانام واحلم بأحلامى
ورغم عنى أروح لبعيد

أموت فيك وارضيك
عشان دمي بقى دمك
ونبض القلب من همك
وكل ما اتوه فى دوامتى
أكيد بارجع وباشتاق لك
هاغيب عنك وعن حبك
واعيش ع الذكرى وياكى
أنا قلبى برغم البعد معشوقك
حزين ومش قادر اتكلم
أنا بنتك ياتاج راسى
وفين نبضك وإحساسى
ومهما تبكى أو تأسى
أنا فاكرومش ناسى
وانا لايمكن انسى يامايه
ياللى الطيبه من ناسك

وف عز العتمه يامايه

أنا جندك وحراسك

غربه

بنقابل ناس
ونفارق ناس
وادينا عايشين
لكن متغربين
ولا عارفين لفين رايعين
ولا عارفين منين جايين
سنين أحزان
ودموع وأنين
لكن عايشين
نتوه ونروح لناس تانيين
ناس تجرح قلوبنا
واحنا نجرح ناس تانيين

ومش عارفين
ومنين جابن
ولا على فين رايحين
ندور على احلامنا
نتوه فى آلام وأيامنا
ونرجع تانى مجروحين
لكن عايشين
وعا يشين فيها بآلمنا
وآلامنا بتوجعنا
ومين من الغربه يرجعنا
مش عارفين
لكن عايشين

حته جبر

هان عليك حب السنين
نسيت منى كل الحنين
جرحت قلبي
بكيت عيني
دلوقتي عاوزنى أصدقك
ولحضن قلبي أرجعك
راجع تانى تندم
وتقول ليه هاترجع

كنت فى هواك
شيفاك ملاك
بالنسبه ليه مش بشر
خدتنى فى حضنك للهلاك

اتارى قلبك كان حجر
كل مشاعرى بتودعك
وقلبى حالف مايرجعك
جاي تانى تعيد
الأمانى المزيفه
نفس البدايه
لا .. روح بعيد
قلبى العنيد
رافض بشده يودعك

كنت فى هواك
شيفاك ملاك
بالنسبه ليه مش بشر
خدتنى فى حضنك للهلاك

الذنب ذنبى

اخلصت لك فى حبى

وانت ماتساوئش

بس كان الذنب ذنبى

ابعد بعيد وسيبنى اعيش

كان حبك كل عمرى

لكن انت ماتستاھلش

انا كنت باخاف عليه

وبقول انت الدنيا

ضيعنى من ايديه

وباع حبى فى ثانيه

ولا صعبت مره عليه

انا هامشى من سكات
ومعايه الذكريات
يصعب عليه حالى
من حب عدى وفات
لكن هاعمل ايه
نصيبى وهارضى بيه
لكن معايه صورته
املى عينى بيها
اشتاق وادوب فى حيرته
وارجع تانى ابص عليها
انا هافضل عايشه
ع اللى فات
ولا عمرى هاقدر أنسى
حتى لو قتلتنى الذكريات
عمرى مافكر أأسى

ماكان نساى فى طبعه
دايما يأسى عليه
اديته كل حبى
سقانى مرار وأسيه
ماهو كان الذنب ذنبى
لما اخلصت فى حبى

طريق الخوف

على فين يادنيا الخوف

دايما وخذنا

ماشيه من غير كسوف

ودايما معندانا

اسمى فيكى معروف

وليه متوهانا

اشكى لمين يازمان

المر والحرمان

وغرقت فى الاحزان

ملاقية بر امان

ولا قلب فيه حنان

طريق طويل مشينا
والحب ضيعناه
وتوهنا ويا الاله
ودموعنا سبقانا
ما أنا اللى قلبى أتمن
وحصدت الاحزان
أمنت ليك يازمن
والكل ليه خان
على فين يادنيا الخوف
دايما وخذنا
ماشيه من غير كسوف
ودايما معندانا
اسمى فيكى معروف
وليه متوهانا
تحيه طيبه لكل شهداء الفريره

الشهيد

افرحى يأم الشهيد
الشهيد عايش مامتش
اللى ضحى بحياته
لجل ماتعيشى يامصر
واللى ودع اهله ولاده
اللى ضحى لجل مايجيب النصر
هما دول ولادك يامصر

=====

باحلف بارب الوجود
وانا واقف ع الحدود
لاحمى حدودك يابلادى
دا احنا خير الجنود

والله بروحى هفديكى
ولو عمرى التمن
مش خساره فيكى
حالف لاحمى ترابك
ولغير الله مانطاطى
اما الجبان الواطى
راح اخذ منه التار
وكفاهيه ان باموت فيكى
انا شهيدك يابلادى
ولا عمرى يوم هطاطى
اللى لرب الكون
حالف اموت لجل مصر تعيش
هابنى مجدك يا حبيبتي متخافيش
حبك فى قلبى ما ينتهيش
عدو جبان جبار

داس الزناد باصرار
موت خير الاجناد
لو هاموت لحل طلوع النهار
مايهمنيش
لجل مصر تعيش

حلم يقظة

أنين الوحده يكوينى

ومين م الآه

يداوينى

أنا حيران

ودايب دوب

بلا شطنان

ونداهة البحور -

تتده

وغصبن عنى باسمعها

والاقينى

فى دوامه -

انين الليل

من النداهه يتمايل

تمد شعورها أتشعبط
واشد ف ديل جدائلها
واتوه واغرق
مع التايهين
لا شوق الحب بينادي
ولا قلب القدر بيلين !!
وانا تايه
مع التايهين
تقربنا
وتبعدنا
وتحدفنا
لموج تايه
فى عرض البحر -
والموجه
تشيلنى وترمى فوقى

وانا مرغوم
يشد الموج فى أنفاسى
وقلب الشمس
من فرط الحنان يبدأ
يواسينى
وترجع تانى تحضنا
والاقى الحلم قدامى
تتوه الآه فى ليالىنا
ومهما الغربه توجعنا
ضياء الفجر يجمعنا
وتسحب كل احزانى
خيوط الفجر من تانى
وانام واحلم
بطلة فجر قدامى
وافوق م الحلم

الاقينى فى عز الفرح
باتهادى
وافوق م الحلم من تانى
بیشجینى
نشيد الصبح وترفر
فى قلب القلب
افراحى
أتارينى
طويت البعد
فى عيونك
اعيشك حب يابلادى
وانام واحلم
كده ف حضنك
برغم القسوه فى طبعك
ورغم فؤادك الجافى

ليه مغرور

ليه مغرور دايمًا تتعالى
المسألة مش عاوزة قواله
عامل فيها كده ديك رومى
وماشى وريشك كده منفوش
وانت يادوب برواز ع الحيطه
عقلك فاضى وهلفوت
ماشى بتنفش كده فى ريشك
انت صحيح طلعت فاشوش
زى الديك الرومى شعرك كده منكوش
اصل البيه فى الاصل حرامى
سرق اللقمه من قدامى
زغدنى زغده وانا فى عز نومى
صحانى اوام من احلامى

على رقص وضرب وكوبيس
قالى قوم ياالله يامنيل
دانت الليله تبقى عريس
قوم ياعبيط علق الزينه والفوانيس
صحيت امى من عز نومها
وقلت لها افرحى يام عتريس
عتريس الليله هايبقى عريس
ياالله بسرعه كده اوام ياما
زوقى كل الدار والحته
اعملى رز ولحمه وفته
واعزمنى كل جيران الحته
بس ياالف حساره عليه
طول عمرى عايش
من ضمن المتاعيس

حبیبتی یامصر

* 1 *

بتوحشنى وانا معاها
وسكنائى وسكناها
ولو فتشت فى قلبى
تشوفها قاعده حواه
تهدهدى بأناملها
وتروينى بحنان نيلها
تنورلى بأناديلها
وانا فى صلاتى بدعى لها
نهايتى تبقى وياها

* 2 *

باحبها حب مالو حدود
ولو شرقت او غربت
بأمن ليها قوام واعدود
أشوفها واقفه وسط الطل
بشوق لرجعتي بيذيد
أجرى عليها بحبي
مأنا بحبها قلبي عنيد
بتشجيني بحنان صوتها
وبدعى المولى يحرسها
ومهما ابعد بعيد عنك
راجع بشوق لاحضائك

* 3 *

عرقها يفيض
وتحضني بضمه أيد
اشم عرقها مسك وعود
ريحان وورود
اعتبها تعتبنى
تقول بعدك بيتعبنى
وياما سهرت
اقول خوفك يعذبني
وادينى كبرت
تقول اسكت ماتتكلمش
دا مهما كبرت ولا طولت
حتى لو انحنى العود
باشوفك لسه مولود

4

اضمك او تضميني
وأقول آه وحشتيني
واقول بعدك على عيني
ياست الكل يامايا
دا انتى سعدى وهنايا
ومهما ابعد بعيد عنك
انتى اللى سكنه جوايا

المخاض

ساعه نزول المخاض ويا الوجع
والحبل السورى اللي انقطع
ينزل من حشايا الولد
يملي كل الدنيا دلع
يجب ابن بطني للحياه
يجي معاه طوق النجاه
يجي معاه بسمه امل
اه يا امل منك واه
لما المستخي ينكشف
والضماير تتعرف
يبقي احنا ذنبنا ايه
منلقي حتي اللقمه الحاف

ساعه نزول المخاط ويا الوجد
والحبل السورى اللي انقطع
لما السنين بتعدى بينا
والدموع تجرح عنينا
يبقى بقي الفرح فين
ويبقى الحزن ساكن فينا
قولت جمع تاني الناس
ويبقى الكلام علي اساس
والكل يشوف ويسمع
وتبقى كلها باحساس
ساعه نزول المخاط ويا الوجد
والحبل السورى اللي انقطع
لما توب الفرح يبقى بالسواد
وجونا يزيذ الحداد
والكل جوه دايره

مخنوق فيها العباد
بصى ياما وقومى دغرى
الشتات اهو جي بيجرى
والجفاف ملا المكان
والحزن جانا يجرى
ساعه نزول المخاط ويا الوجد
والحبل السورى اللي انقطع
ياعز من عيني
القلب والله مال
انا قلبي كان مشتاق
ونار الفرق حراق
فينك يانور العين
يا ابو العيون سحراني
منك وآه ياني
يا وحشتني من سنين

يا عز من عيني
القلب والله مال
انا قلبي دايب دوب
في العشق المحبوب
عاشق وقلبي دليل
وبينف عليك الدروب
يا عز من عيني
دا قلبي والله مال
مليش حبيب غيرك
وانا ليه مين بعدك
اقرب يابن الحلال
يا عز من عيني
انا قلبي والله مال
اقرب تعالالي
دا الشوق ديما معاك

بالحب انت شريني
وايه عمله العزال
يا اعز من عيني
قلبي والله مال

خير الأنام

في عيد ميلاد المصطفى

خير الأنام

نام حمام الحمي

باكل خير وسلام

صلو علي سيدنا النبي

هو هناية ومكسبي

الفين صلي عليك يانبي

يا اعظم من اتخلق

الله وحده علمك

وبالأمانه كان. وصفك

ياجد الحسن والحسين

بالكرم كان وصفك

ياخير من خلأتخلق

صلو علي سيدنا النبي
الفين صلي عليك يانبي
صلو عليه
ياشفيع و غالي على امتك
يامحمدا
وفي السماء محمودا
دارب العرش كرمك
وقال عليك صادق امين
صلو عليه ياموحدين
صلو الله علي محمد
صلى الله عليه وسلم
نفسى ازورك
واتملي بنور
واسعي بين الصفي والمروى
ومن ميتها انا رتوي

شربتنا لا اظمئ بعدها ابداً
وانول رضاك يانبي
صالو عليه وسلمو
الفين صلي علي النبي

محتوى الكتاب

2	بطاقة الكتاب
3	إهداء
4	صفحة بالعامية المصرية على وجه الوضع الراهن
7	منحنيات البراءة
9	حلم
10	عصفور ضعيف
13	رقصة الوروار
18	الحكاية
20	نسايم حب
22	أنا حبي مات
25	أنا عاشقه
28	حفيدي
30	واحشاني يامه

32	ما فيش حياه من غير أمل
36	أم الشهيد
43	طار في العلالى
45	لسه فاكر
49	اتخدعت
52	حبى مش لعبة
55	مصر
56	مستحيل
59	ارفض تموت
62	أنا عيدك وتنهيدك
66	غربة
68	حتة حجر
70	الذنب ذنبى
73	طريق الخوف

75 الشهيد
78 حلم يقظة
82 ليه مغرور
84 حبيبتي يا مصر
88 المخاض
93 خير الأنام
96 محتوى الكتاب